




ՎԵՀԱՓԱՌ ՀԱՅՐԱՊԵՏԸ ՄՈՍԿՎԱՅՈՒՄ

Փետրվարի 23-ին, չորեքշաբթի, Վեհափառ Հայրապետը պաշտոնական այցով մեկնեց Մոսկվա, նորին Ս. Օծուխյան ընկերակցում էր Հոգևոր Ճեմարանի վերատեսուչ հոգեշնորհ Տ. Ներսես ծայրագույն վարդապետ Պողապալյանը:

Երևանի բաղաբային կայարանում Վեհափառ Հայրապետին ճանապարհեցին Մայր Աթոռի միաբանները և պաշտոնեությունը:

Փետրվարի 25-ին, ուրբաթ, Վեհափառ Հայրապետը հասավ Մոսկվա, ուր բաղաբային կայարանում Հայոց Հայրապետին դիմավորելու և բարի գալուստ մաղթելու էին եկել Ռուսաստանի և Նոր Նախիջևանի հայոց առաջնորդ գերաշնորհ Տ. Պարգև եպիսկոպոս Գևորգյանը, Մոսկվայի և համայն Ռուսաստանի Պատրիարք Նորին Սրբություն Ալեքսիի անունից միտրոպոլիտ Յոհանն:

Այնուհետև Վեհափառ Հայրապետը առաջնորդվում է «Լենինգրադսկայա» հյուրանոցը:

Փետրվարի 27-ին, կիրակի, Մոսկվայի և համայն Ռուսաստանի Պատրիարք Նորին Սրբություն Ալեքսիի անվանակոչության տունն էր: Վեհափառ Հայրապետը հրավիրվել էր մասնակցելու հանդիսության: Առավոտյան ժամը 10-ին, աղգիս Վեհափառ Հայրապետը, ընկերակցությամբ գերաշնորհ Տ. Պարգև սրբազանի և հոգեշնորհ Տ. Ներսես ծայրագույն վարդապետի, առաջնորդվեց Մոսկվայի ռուսաց պատրիարքանիստ տաճարը: Իր տոնի առթիվ, սուրբ պատարագը մատուցում էր Նորին Սրբություն Ալեքսի Պատրիարքը, շրջապատված միտրոպոլիտներով և բարձրաստիճան հոգևորականներով, Հան-

դիսությանց ներկա էին նաև Կոստանդնուպոլսի Հունաց Տիեզերական Պատրիարք Նորին Սրբություն Աթենագորասի ներկայացուցիչ գերաշնորհ Մելիտոն միտրոպոլիտը և այլ անձինք:

Հետմիջօրի ժամը 3-ին, Մոսկվայի Պատրիարքարանի դահլիճում, Նորին Սրբություն Ալեքսի Պատրիարքի կողմից, ի պատիվ հյուրերի, կազմակերպվել էր ընդունելություն: Վեհափառ Հայրապետը, իր շքախմբով, մասնակցեց պաշտոնական ճաշկերության: Ներկա էին Ռուս Եկեղեցու բազմաթիվ միտրոպոլիտներ, գլխավորությամբ գերաշնորհ Պիմեն, Յոհան և Նիկողիմ միտրոպոլիտներ, Տիեզերական Պատրիարքի ներկայացուցիչ միտրոպոլիտ Մելիտոն և այլ եպիսկոպոսներ, շուրջ 60 հոգի:

Ընդունելության ընթացքում Նորին Սրբություն Ալեքսի Պատրիարքի կենաց առաջին բաժակը առաջարկեց խմել Վեհափառ Հայրապետը, հետևյալ ֆրանսերեն ճառով.


«Ձերդ Սրբություն, սիրեցյալ Եղբայր Մեր. Մեզ համար միշտ բացառիկ հաճույք է գտնվել Մոսկվայում և հանդիպում ունենալ Ձեզ հետ:

Այս անգամ սակայն Մեր ուրախությունն առավել մեծ է, որովհետև այսօր տոնվում է Ձեր անվանակոչության օրը, այնքան հանդիսավոր իրադրություն մեզ:


Գոհություն Աստուծո, որ այսօր Ձեզ տեսնում ենք քաջատույզ և այսքան լի եռանդով ու պայծառ հոգիով:

Մենք Ձեզ սիրում ենք ամենայն անկեղծությամբ և հարգանքով: Եվ ոչ միայն ան-

ՈԱ - 6570.



ՎԵՀԱՓԱՌ ՀԱՅՐԱՊԵՏԸ ԱԼԵՔՍԻ ՊԱՏՐԻԱՐԺԻ ՀԵՏ, ՄՈՍԿՎԱՅԻ ՌՈՒՍԱՑ ՊԱՏՐԻԱՐԺԱՐԱՆՈՒՄ,
ԵՐԶԱՊԱՏՎԱԾ ԲԱՐՁՐԱՍՏԻԺԱՆ ՀՈԳԵՎՈՐԱԿԱՆՆԵՐՈՎ:



ձամբ Մենք, այլ Մեր ամբողջ ժողովուրդն ու մեր Եկեղեցին:

Մեզ բոլորիս համար Դուք իմաստուն Հովվապետն եք Ռուս Պապոսյալ մեծ Եկեղեցու, հարազատ ներկայացուցիչը ռուս եղբայր ժողովրդի և մեծագույն պաշտպաններից մեկը աշխարհի խաղաղության:

Մենք, իրոք, շատ ուրախ ենք այս պահուս, որ առիթն ունենք Ձեզ ներկայացնելու Մեր խնդակցությունը, մաղթելով Ձեզ կենաց ևս բազում տարիներ, որպեսզի շարունակեք Ձեր սրբազան առաքելությունը:

Այսօր Մենք պարտք ենք զգում ներկայացնելու Ձերո՞րդ Սրբությանն նաև Մեր խորին գոհունակությունը այն հուզիչ նամակի համար, որ Դուք ուղարկեցիք Մեզ անցյալ տարի, աղոթելով հայ ժողովրդի մոտ երկու միլիոն զոհերի հոգիների համար, որոնք նահատակվեցին առաջին համաշխարհային պատերազմի ընթացքում, Օսմանյան Թուրքիայի կառավարության հրամանով: Այդ ողբերգությունը մեր դարի առաջին ցեղասպանությունը հանդիսացավ, որն ուրիշ բարբարոսներ կրկնեցին երկրորդ համաշխարհային պատերազմի ընթացքին, ավելի մեծ չափերով: Այդ նամակի համար, Ձեր աղոթքների համար, հաճեցեք ընդունել, Ձերո՞րդ Սրբություն, մեր Եկեղեցու և Մեր երախտագիտությունը:

Կեցցե՛ Ալեքսի Սրբազան Պատրիարքը, Մեր սիրեցյալ Եղբայրն ի Քրիստոս:

Ելույթներ ունեցան Պիմեն, Յոհան, Նիկողիմ և Մելիտոն միտրոպոլիտները, որոնք Վերջին հանգիստ Ալեքսի Պատրիարքի եկեղեցաշեն, խաղաղանվեր զործունեությունը,

իմաստուն առաջնորդությունը և մաղթեցին Նրան երկար, քաջառողջ կյանք:

Հուսկ ուրեմն Նորին Սրբություն Ալեքսի Պատրիարքը շնորհակալություն հայտնեց չերմ խոսքերի համար և բաժակ առաջարկեց Հայոց Հայրապետի և բոլոր ներկաների կենաց, մաղթելով եկեղեցիների միջև քրիստոնեական սեր, միություն և աշխարհիս խաղաղություն:

Մարտի 1-ին, Երևաթքի, առավոտյան ժամը 12-ին, Վեհափառ Հայրապետը սլաշտոնական այցելություն տվեց ՍՍՌՄ Մի-նիստրների սովետին առընթեր Կրոնական գործերի խորհրդի նախագահ Կուրայետովին և նրա պաշտոնակիցներին:

Ամենայն Հայոց Վեհափառ Հայրապետի և ՍՍՌՄ Մի-նիստրների սովետին առընթեր Կրոնական գործերի խորհրդի նախագահի միջև տեղի ունեցավ չերմ զրույց, սիրալիր մթնոլորտում:

Մարտի 4-ին, ուրբաթ, հետմիջօրեի ժամը 3-ին, Վեհափառ Հայրապետը օդանավակայան էին եկել, Վեհափառ Հայրապետին ճանապարհելու համար, Ռուսաց Պատրիարքի անունից՝ գերաշնորհ Տ. Նիկոլա արքեպիսկոպոսը, դերաշնորհ Տ. Պարզե եպիսկոպոսը:

Երևանի օդանավակայանում Վեհափառ Հայրապետին դիմավորում են Մայր Աթոռի միաբանությունն ու պաշտոնեությունը:

Վեհափառ Հայրապետը Մայր Տաճարում, Իշման Ս. Սեղանի առաջ Իր աղոթքն անելուց հետո, առաջնորդվում է Վեհարան, ուր օրհնում է միաբանության անդամներին և բոլոր ներկաներին:

